



# Männerriege-Reis 2009

**5. + 6. September**

Am Samschtig-Mittag isch Abfahrt in Hasle-Rüegsau mit dr Bahn nach Visp. Der isch dr Start zum Wii-Grill-Fäscht. Äs überchunnt jede vo üs äs Wyglas u de geit si los, üsi kulinarischi Wanderig düre höchstglägnig Wiibärg vo Europa, ufe uf Vispetermine. Bi total 6 Zwüschehalte wärde mir mit Walliser- u Terbiner Spezialitäte vervöhnt, zu jedem Gang ghört natürlich ou dr passend Wii us der Region. Am Ziel vo dr Wanderig in Obstalden gits de no Kaffi u Chueche.



Mir wärde de nächhär üses Masselager in Vispertermine bezieh, u de chöme mir wieder zrüg uf Obstalden. Hie isch bis i die früeche Morgenstunde ä Feschtwirtschaft mit Liv-Musig, Bar u diverse Äss-Ständ. Ca. aui Halbstung fahrt ä Shuttelbus für die wo wei go am Chüssi lose, damit Sie de am Sunntigvormittag fit si für ne Rund-wanderig vo ca. 3 Stung, ab der Alp Giw. Vorem Start gits hie no ä wärschafte Brunch, dä wird us dr Vereinskasse zahlt. Für d' Heireis benütze mir de Seilbahn, Postouto und d' Isebahn.

**Choschte duet dä Gpass ca. Fr. 200.00 resp. mit Halbtax Fr. 160.00**

Teilnahm am Wii-Grill isch sehr begäht, für Üs si bereits ä gwüssi Anzahl Plätz definitiv resereviert u **äs chöi keini zusätzlechi Plätz me resereviert** wärde.

Dr Igang vo de Amäldige entscheidet über d' Möglichkeit vo dr Teilnahm.

Auso mäudet Öich müglescht rasch mit em agfüegte Talon a.

**D' Amäldefrischt louft definitiv am 20. November vo däm Johr ab.**

Bis am 30. November muess ig de jede Teilnahmmer namentlich mäld, u ou ds „Startgäld“ muess izahlt si. Die wo sich agmäldet hei, sötte drum mit em Izahligsschin bis Ändi Dezember ä Vorschuss vo Fr. 100.-- leische, damit üse Kassier cha ds Budget ihalte.

Anton Wegmüller